

I ofizi de comun resta stluc en vëndres, ai 07 de jená.

SAN MARTIN

Sön tofla dan dljia éli resultac dla lita dla Uniun Èi. I litá é bel peria da sté sò!

Aziun di Trèi Resc: Al passa indò dui grups dla schira jonila a porté la buna noela; perian do na spénora de buna man. Por gauja de Covid ne pó i resc nia jf ite tles abitaziuns. Prèibel porchèl toledi ite dan porta.

Ai passará fora por les fraziuns en chisc dis (al pó ester mudaziuns):

Lönes, 3 de jená: Danmisdé: Ju, Picolin, Mirí, Pradel

Domisdé: Zona artejanala, Pespach, Bioch

Dedolön., 4 de jená: Danmisdé: Preroman, Restalt, San Martin zënter

Domisdé: San Martin zënter, Prousc-Tor

Les ofertes di Trèi Resc y l'oferta de Santaguania vá a bëgn de passa 100 proieç de d'aiüt te döt le monn, en chësc ann dantadöt por la Romania. Dër bel dilan.

Sce valgügn oress ch'al gniss porté la Comuniun te ciasa a porsones che n'é nia bunes da gní te dljia, telefonede a Carla Ploner Verginer 335 71 74 220.

LUNGIARÜ

Aziun di Trèi Resc: Gnanca en chësc ann ne podará i 4 ciantadus jf fora por les vijinanzas. En Santaguania pó vigni familia se tó l'inzësc che vëgn metü apé de dljia. I periun da lascé n'oferta (ara pó ince gní fata online: Raiffeisen Landesbank Südtirol AG, Bozen IBAN: IT 56 T 03493 11600 000300202908 Bischöfliches Ordinariat, Kennwort: "Sternsingen 2022")

Por la Cronica Sas dla Crusc 2021 vëgnel perie da mené cina ai 15 de jená les relaziuns dl'ativité dles uniuns y istituziuns, fotografies di mituns nasciüs y de pers che s'á maridé tl l'ann 2021 o d'ater ch'an ó che vëgnes publiché.

Por San Martin é da mené a silvia.prousch@yahoo.de y por Lungiarü a karinclarat@tiscali.it Prëitambel y dilan!

Apuntamënt de "Val Badia preia": En dedemesaledema, ai 5 de jená dales 17.30 vëgnel perie la corona a Picolin, dan le Crist dlungia dljia.

"Val Badia preia" é na iniziativa de laics. I periun por la fin dla pandemia, por la dljia, por i regnanc, por la comunité, por les families y por la liberté; do l'idea de Louis-Pierre Laroche "Österreich betet". - Le portausc Fabian Pitscheider

Döt le bun a chi che complësc i agn de jená

a San Martin: Zilia Pescollderungg Pedevilla che nen complësc 80 ai 9

a Lungiarü: Pire Castlunger che nen complësc 81 ai 7

Albina Irsara Mischi che nen complësc 84 ai 7

Ida Nagler Clara che nen complësc 100 ai 11

Albert Daverda che nen complësc 86 ai 13

Theresia Huber Daverda che nen complësc 83 ai 24

Emilia Frenes Nagler che nen complësc 98 ai 24

Fonjo Clara che nen complësc 91 ai 28



Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194

www.valbadiaonline.it/comunite

02.01. - 09.01. nr. 6

ultimo termo por comunicaziuns: jöbia, dales 20.00

2ª DOMÈNIA DO NADÉ - C

Vangele do Jan 1,1-18

..... Èl ê tl monn, y le monn é diventè tres èl,

mo le monn ne l'á nia reconesciü.

Al é gnü te süa proprieté, mo i sü ne l'á nia tut sò.

Mo a düc chi che l'á tut sò, ti àl dè la potesté de gní fis de Dî,

a düc chi, che crëi te so inom, chi che nia dal sanch,

nia dala orentè dla cern, nia dala orentè dl èl, mo da Idî é nasciüs.

Y la Parora é gnüda cern

y à abité danter nos,

y nos ùn odü süa gloria,

la gloria dl Fi su dl Pere,

plëgn de grazia y de verité....

¹Fora de süa plenëza

unse düc ciafè grazia sön grazia....

Degügn n'á mai odü Idî.

Chël Fi su, che é Idî

y che é da ciasa tl cör dl Pere,

nes al à revelè.



Sc'i liun la parora de Dî tla Sacra Scritöra, l'unse fosch sön blanch:

Idî ti ó tan bun ala jënt, ch'al devënta instës n chestian.

Da Gejú, da sües parores y da sües opres,

y dantadöt da süa pasciun, mort y ressureziun

pó l'í fora tan gran che l'amur de Chël Bel Dî é.

Ci che la Sacra Scritöra me dij pói me tó do cun me te mia vita,

mo plü important é che chësc amur devëntes vi te mia vita

y - cun mia vita - tla vita dla jënt incër me ia.

Che la jënt pois odèi te mi comportamënt l'amur de Dî. Image

EDEMA	SAN MARTIN	LUNGIARÜ	 I periun do l'intenziun dl Papa tl mëis de jená I periun por düc chi che patësc sot a porsecuziuns y descriminaziuns, che al vëgnes reconesciü sü dërc personai y süa dignité, deach'i sun düc sorus y fredesc dla medema familia.  I studiá dles stëres ê piá ia a chirí le re nünasciü y ai â ciafé n viadú de geniturs ala buna defora dal palaz reial. Le vare da rové ala fede, che chësc bambin ê le möt ch'ai chirí, â i studiá messü fá instësc. Le vangele ne baia nia di sentimënc, di pinsiers y di rajonamënc che i á condüt a crëie. Le vangele cunta ma ch'ai â odü le möt y Maria, süa uma, y ch'ai s'â inslené jö y l'â adoré. Tla scempelté y tl'umilté dl bambin ciafi chël ch'ai chir. De ci s'intenunse pa nos te nosta vita? Se lasciunse imprescioné da cosses ala buna y da fac che sozed fora de nia? Él porsones, situaziuns, incuntades y esperiënzes che nes lascia sintí y conësce la presënza y la providënza de Dî? image
02.01.22 2ª DOMÈNIA DO NADÉ	9.00 Corona por vocaziuns 9.30 Gran Messa por la comunité + Albert Conrater (dl ann) + siur Heinrich Videsott + + Angela y Maria Prousch	7.50 Corona 8.15 Gran Mëssa por la comunité	
03.01.22 Lönesc <i>Inom de Gejú, Genofefa</i>			
04.01.22 Dedolönesc <i>Angela da Foligno, Angelica</i>	19.00 Mëssa + Pepi Dejaco, Larjëi vis y def. fam. Prousch y Perathoner		
05.01.22 Dedemesaledema <i>Milia, Emiliana, Emilie</i>		7.30 Mëssa + + Vito y Vittoria Clara, Somví por les Püres Animes	
06.01.22 Jöbia SANTAGUANIA, Apariziun dl Signur <i>Casper, Marciun, Baldessé</i>	9.00 Corona 9.30 Mëssa solëna cun i Trëi Resc benedisciun dl'ega y dl se + Erica Videsott (dl ann) + Giovanni Trebo, Tor (dl ann) Oferta por les Misciuns (Aziun 3 Resc)	8.15 Mëssa solëna por la Comunité benedisciun dl'ega y dl'ega Oferta por les Misciuns (Aziun 3 Resc)	
07.01.22 Pröm vëndres <i>Valentin dla Rezia, Raimund</i>	19.00 Mëssa de rengraziamënt benefaturs dla calonia + Sepl Sorà, Pespach (dl ann)	7.00 Adoraziun al Cör de Gejú 7.30 Messa + Rita Zingerle Clara Animes dl purgatore plü arbandonades	
08.01.22 Sabeda <i>Severin, Erhard, Gudrun</i>	19.30 Mëssa prefestia + + dles families de Albert Moling vis y def. fam. de Giovanni Rubatscher de rengraz. fam. de Paul Unterweger	18.00 Mëssa prefestia por familia Planatscher + Albina Mischi, Aijus	
09.01.22 BATO DE GEJÚ - C	9.00 Corona 9.30 Gran Messa por la comunité + + toc y totes da bato y da confermé + siur Franz Sottara a d'intenziun	7.50 Corona 8.15 Gran Mëssa por la comunité	